



მწყემსი



მე ვარ მწყემსი კეთილი: მწყემსმან კეთილმან სული თვისი დაჰსდგის ცხოვართათვის. იოან. 10—11.
 შპოვე ცხოვარი ჩემი წაწყმედული. მსრეთ იყოს სიხარულ ცათა შინა, ერთისათვის ცოდვილისა. ლუკ. 15—4.
 შოვედით ჩემდა ყოველნი მაშურალნი და ტვირთ-მძიმენი და მე განგისვენოთ თქვენ. მათ. 11—28.

№ 13

1883—1903

15 ივლისი

სად უნდა ინათლებოდნენ ბავშვები?



აბერძნეთში და რუსეთში დიდი ხნიდან არის შემოდებული ბავშვების მონათვლა ეკლესიებში. ჩვენს საქართველოშიაც ძველ დროს ბავშვებს ნათლავდნენ ტაძრებში. ეს იქიდან სჩანს, რომ სანათლებო ემბაზი თვითონ ეკლესიებში ყოფილა მოწყობილი. ქუთაისის ბაგრატის ტაძარის ჩრდილოეთის მხარეს ეხლაც სჩანს ბავშვების სანათლავი, რომელშიაც მილით გადიოდა წყალი. იტალიაში და ვენაში ჩვენ თვითონ ვნახეთ, რომ ბავშვების მოსანათლავი ემბაზები არიან მოწყობილნი ტაძარებში. ამ ემბაზებს წყლის გასაშვები აქვსთ ძირს და დაცლის შემდეგ ასავსები მილიც იქვეა მოწყობილი. დღე-

ვანდელი ქართველები როგორც სხვაში ისე ჩამორჩენილი ვართ ამ შემთხვევაშიაც და ბავშვები თითქმის ყველგან სახლებში ინათლებიან. არავის არ მოუდის აზრათ ეკლესიაში წაიყვანონ ბავშვები მოსანათლავად. შენიშნა რა ეს გარემოება მათმა მეუფებამ იმერეთის ეპისკოპოსმა ლეონიდემ ცირკულიარული მიწერილობა გაუგზავნა იმერეთის ეპარქიის სამღვდლოებს და მისწერა, რომ მიიღონ ზომები და ხალხი მიაჩვიონ, ძველებურად ბავშვების ეკლესიაში მონათლას. სამწუხაროდ, ჩვენი ხალხი ისე ნაირად მიეჩვია ბავშვების ნათვლას სახლში, ხშირად შეუფერებელ ადგილას, რომ ბევრს კიდევ უკვირსთ ეს განკარგულება და გაოცებულია. დიად, გაოცებულაია, რადგან, სამწუხაროდ, სამღვდლოების დაუდევნელობით მრავალი რამ კეთილი ჩვეულება და წესები დაავიწყდა ხალხს ღკეთილი და სასარ-





გებლო წესების მაგიერ მრავალი სამარცხვინო და მავნებელი ჩვეულებანი დაიარსა და დღემდის მტკიცედ ასრულებს. ასეთ მავნე და სამარცხვინო ჩვეულებას ეკუთვნის იმერული თვალთმაქციური გამოტირილიც. უნდა გამოვტყდეთ, რომ ამ ჩვეულების გავრცელებაში ჭ განმტკიცებაში დიდი ბრალი ადევს თვით სამღვდლოებას, თორემ ეს მავნე ჩვეულება დიდი-ხნიდან მოსპობილი იქნებოდა. ამ დღეებში ვილაცა „ცნობის ფურცელში“ იწერებოდა ხონიდან: „სამარცხვინო გამოტირილი თუმცა ამას წინეთ შესუსტდა, მაგრამ დღეს ისევ მტკიცედ სრულდება“. რატომ? იმიტომ, რომ ხონის ერთი მოძღვარი ძლიერ შემოთვალის იყო ამ სამარცხვინო ჩვეულების მოსპობის მიწერილობით ჭ სრულიად არა თანაუგრძობდა ეპარქიის მთავრობის განკარგულებას. ეს მოძღვარი თანაგრძობას უწყევდა ზოგიერთ თავადებს, რომელთაც სახელი ქონდათ გაგდებული თავის თვალთმაქციური ტირილით და ამით საზოგადოებაში პატივ-ცემული იყვნენ!.. ამისთანა მოწინააღმდეგენი სამწყსოში და მწყემსებშიც, დარწმუნებული ვართ, აღმოჩნდებიან ეკლესიაში ბავშვების მონათვლის შესახებაც. ზოგიერთი იმის დამტკიცებასაც დაიწყებს, რომ „თითო ბავშვის მიყვანა ეკლესიაში არ შეიძლება სანემ დიდი არ შეიქნებაო“. ზოგი, რასაკვირველია, თავის გამოსაჩენად ხალხს გამოესარჩლება, რომ დიდ სიცივეში, შორე ადგილებიდან და სნეულების დროს ბავშვის მიყვანა ეკლესიაზე არ შეიძლებაო და სხვ... ამისთანა შემთხვევაში არავინაც არავის უბრძანებს ბავშვი უთუოდ ეკლესიაში მიიყვანეთო, მაგრამ რა უშლის ზაფხულში ბავშვის მიყვანას ეკლესიაში, როცა ეკლესიაც იქვე არის? ბავშვის მშობლები დიდ მზადებაშია, მრავალი პირი ყავს მოწვეული და იმას ფიქრობს თუ როგორ გაუმასპინძლდეს სტუმრებს და თვით საიდუმლოს შესრულება მის შვილზე სრულებით მისთვის შესანიშნავი არ არის. ზოგიერთი მშობელი სრულებით არ ფიქრობს იმაზედ, რომ მისი მონათლული შვილი რიგიანად ჩააწერინოს მღვდელს საეკლესიო საბუთებში, რომ ბოლოს მეტრიკული მოწმობა მიიღოს შვილის მონათვლაზე. აი ამის გამოა, რომ ხშირად ბავშვი ჩაუწერელი რჩება და კარგი სადილი, გამართული ნათვლაზე, საქმეს არ ეხმარება! ნათლობა ხანდის-ხან ზოგიერთ დედ-მამას დიდ ფასად უჯდება და მეტრიკის მოწმობის მიღე-

ბაც არა ცოტა ხარჯს ითხოვს როცა დარჩება დაუწერლად. ყველა ეს ჩვენი ხალხის კეთილ-დღეობას ძირს უთხრის და ალატაკებს. ყოველი მოძღვარი, რომელიც თავის სამწყსოზე ზრუნავს ხალხს გააფრთხილებს ამ შემთხვევაში და მოითხოვს რომ ბავშვები მონათლონ ეკლესიაში და უბრალო ხარჯს ააცილიონ მონათლულის მშობლები.

ზოგიერთები უკუღმართად მსმენელნი ეხლავე გაიძახიან; „ეს რა ამბავია, მაშ დღემდის ვინც მონათლულა ისინი ქრისტიანები არ არიან? წინანდელი ებისკოპოსები განა ვერ მიხვდებოდნენ ამას, რომ არაფერი თქმულა ამის შესახებ? რაღა ეს-ლა შეიქმნა საჭირო ეკლესიაში ბავშვების მონათვლა? ჯერეთ გამოტირილი მოგვაშლევინეს, ახლა ბავშვები ეკლესიაში თუ არ მოინათლა ისე არ შეიძლებაო; სად ვატარო თითო ბავშვი ეკლესიაში“? და სხვა ამისთანები. აი ამისთანა სიტყვებს გაიგონებთ ხშირად სამწყსოვან იქ სადაც მოძღვარს არასოდეს არ აუხსნია თავის სამწყსოთვის საიდუმლოები და მათი მნიშვნელობა. ერთი კაცის მისვლა ეკლესიაზედ სადაც შეიძლება დახვდეს ნათლია სამძიმოა ზოგიერთის ფიქრით და მღვდლის, მედავითნის, სტაროსტის ანუ სტოროჟის წაყვანა ემბახის წასაღებათ ძლიერ ადვილიაო და, სამწუხაროდ მღვდელიც ხშირად თანხმდება, რადგან სადილი ეგულება მზად მოსანათლავის ოჯახში. მთელი კრებული ამ დღეს სადამომდისინ რჩება მოსანათლავის მშობლებთან, რადგან სადილი არ გათავდება სადამომდისინ ჭ რამდენი ხუმრობა, რამდენი უბრალო და ხანდისხან ცუდი ლაპარაკი მოყვება ვინ მოსთვლის! განა მოძღვარს აქვს ამდენი თავისუფლება? განა მოძღვარმა მარტო ერთი ბავშვის მონათვლაზე უნდა დაკარგოს მთელი დღე? დაკარგულად არ ჩაიგდება ეს დღე, რომ მოძღვარი ამ დროს არიგებდეს სტუმრებს, ასწავლიდეს მას და ჭეშმარიტ გზას უჩვენებდეს, მაგრამ, სამწუხაროდ, სად არის ეს? მთელი დღე გრძელდება ლაპარაკი იმაზე, რომ ღვინომ აწყინა ზოგიერთებს მიტომ, რომ ნაწამლი იყო, ან ვინ უფრო მეტი დალია!.. აი შედეგი საზოგადოდ ჩვენებური ნათლობისა! ვეცადოთ სულობით და გულით აღვასრულოთ მღვდელთ-მთავრის წინადადება ჩვენდა და ჩვენ სამწყსოთა სასიკეთოდ და სასარგებლოდ. ცუდ დროში ვცხოვრობთ და მეტი გამჭირახობა გვმართებს მოძღვართ. ჩვენი ვალია ყველა საიდუმლოების შესრულებას მივაჩვიოთ



ხალხი ეკლესიებში და ჩვენ თავისუფალი დროით ვისარგებლოთ ჩვენ და განსავითარებლად და არა დროს გასატარებლად. აბა უთხარი მრევლს ქორწინება სახლში შეასრულებთო, თუ არ გითხრას ეს როგორ შეიძლებაო. რატომ ამასვე არ ამბობს ბავშვის მონათვლაზე? მიტომ, რომ ჩვენ გადავაჩვიეთ ხალხი ამ კეთილ ჩვეულებას და მეტრიკაში-კი ყალბათ ვსწერთ ბავშვი ეკლესიაში მონათლაო. ასევე არ ჩავდივართ გარდაცვალებულთა ჩაწერის შესახებაც?.. მესამე დღეს ვაჩვენებთ გარდაცვალებულთ დამარხულად, როდესაც ერთი კვირა და ხან რვა და ათი დღე შინ სდევს იგი რადგან თვალთმაქცური გამოტირილი ვერ მოუხერხებიათ ადრე!..

დკბ. ღ. ღამბაშიძე.

მწარმე უიქრები.

(გაგრძელება *)

ერთი სასწავლებლის მოწაფე მოვიდა ჩვენთან და გვითხრა: „რა არის, რომ ჩვენი მასწავლებლები გვიბრძანებენ წირვაზე ვიაროთ ყოველთვის ღ „რომელი ქერუბითას“, „ღარს არსის“ გალობის დროს და „მამაო ჩვენო“-ს თქმის დროს დავიჩოქოთ. მაგრამ თვითონ არც წირვაზე დადიან და არც დავიჩოქებენ? ამას გარდა სასტიკად თხოვილობენ, რომ დიდ მარხვის პირველ კვირიაკეში ვიმარხულოთ და ვვზიაროთ და თვითონ ეკლესიაშიც-კი არ დადიან?“ პირველად ჩვენ ამ ცნობის-მოყვარე შაგირდს ჩავაგონეთ, რომ მას არა აქვს უფლება თავის მეუფროსეთა და მასწავლებელთა საქციელის განსჯაში შედიოდეს, რომ სახარება ცხადად გვიკრძალავს სხვის განსჯას, „ნუ განიკითხავთ, რათა არა განიკითხნეთ.“ (მათეს თავი 7, 24). წაგიკითხავს, შვილო, სახარებაში სადაც არის ნაბრძანები, რომ „არა არს მოწაფე უმფროს მოძღვრისა თვისისა?“ მოსწავლე ვალდებულია დავმორჩილოს მოძღვართა თვისთა და არა საჯოს და განკიცხოს იგი. ამ მოსწავლეს ეტყობა, რომ ძლიერ ადრე დაუწყია თავის ამალღება და განსჯა-მხილღება თავის მასწავლებლებისა და უფროსებისა. ბევრი დარიგება მივეცი ამ მოსწავლეს და გაუშვი.

მაგრამ მეორეს მხრით, უნდა სთქვას მართალი კაცმა, დიდათ სამწუხაროა ამ განათლებულ მასწავლებელთა საქციელიც. მართალია მოსწავლეთ უნდა არიგებდენ სახარების მცნებისამებრ მშობლები, მორიდებასა და პატივის ცემას უნდა უნერგავდენ თავიანთ შვილთა მასწავლებლებისა და მეუფროსეთადმი, მაგრამ მასწავლებელმაც კი უნდა გაიხსენოს მაცხოვრის სიტყვები, რომელმაც ბრძანებს: „და რომელმან დააბრკოლოს ერთი მცირეთა ამათგანი ჩემდამო მომართ მორწმუნეთა, უმჯობეს არს მისა, დამოთუეკიდოს წისქვილი ვირით საფქველი ქედსა და დაინთქას იგი უფსკრულსა ზღვისასა“. ამას გარდა ეს მასწავლებელნი იქცევიან მსოფლიო კრების მეოცე კანონის წინააღმდეგ შესახებ დაჩოქებისა კვირა დღეს, ისეთ დროს, როდესაც იგი აკრძალულია ამ კანონით. ჩვენ ამას ვფიქრობთ არა მასწავლებელთა განსასჯელად, რადგან იგინიც უნებლიეთ ჩადიან ამ შეცდომას. ეს ცოდნა კი მათთვის სავალდებულო უნდა იყოს. უნდა ახსოვდეს ყოველ მასწავლებელს, რომ კეთილ-ზნეობას ღ სარწმუნოებას ვერ ჩაუნერგავს მოსწავლეთ მარტო სიტყვის თქმით ათას-გზის რომ გაუუმეოროს მათ, თუ თვითონ არ ასრულებს თავის ნათქვამს. აბა როგორ ჩაუნერგავს სარწმუნოებას და კეთილ-ზნეობას მოძღვარი, მასწავლებელი, თუ თვითონ არა სწამს და კეთილად არ იქცევა? განა ჩვენ ყველას არ გვახსოვს ის მასწავლებელნი, რომელნიც ჩვენთან განუშორებელად იყვნენ წირვა-ლოცვაზე? განა კეთილ მოსაგონარად არ მიგვაჩნია ის მოძღვარნი, რომელთაც ჩვენთვის ბევრი უთქვამსთ, ენით კი არა, არამედ თავის ცხოვრებითა და ყოფა ქცევით? ტყუვილად ეძიებენ მოსწავლეთა შორის ამბოხების და მათი გახვევრავების მიზეზებს; ტყუვილად ჰფიქრობენ მიწერილობებით გაასწორონ დღევანდელი მოსწავლე თაობის ზნე და ხასიათი. ყოველად შეუძლებელია მარტო მიწერილობით გასწორდეს საქმე; არა, აქ უფრო სხვა ზომა არის საჭირო და სხვა საშუალების ხმარება. თქვენ დააკვირდით კარგად ოჯახობის მდგომარეობას და მასწავლებლების ყოფა-ცხოვრებას და ბერს რასმე საყურადღებოს დაინახავთ იქ. თქვენ ცხადად შენიშნავთ, რომ პირველად ყურადღება უნდა მიექცეს ამ ორ ნიადგას, რომ სწავლის საქმე კეთილად მიმდინარეობდეს. უნდა გასწორდეს ოჯახის მდგომარეობა, ოჯახში უნდა ჩაინერგოს პირველად სარწმუ-

*) იხ. „მწეესი“ № 12, 1903 წ.



ნოება, კეთილი ყოფაქცევა და ქრისტიანული ზნეობა. მაგრამ დღეს არსებობს ჩვენს ოჯახში ესეები? სრულებით არა. მოხდა სასწაულები, ოჯახში მიიღო ბავშვა კეთილი აღზრდა და მიმართულება. მეზვიდენ მერვე წლის ბავშვი უნდა მისცეთ სასწაელებელში. აქ სულ სხვა პირობებშია იგი. თუ კეთილად აღზრდილია შენი შვილი, სამ წელს იქით სრულებით ვეღარ იცნობ მას. „განათლებას“ სულ სხვა გზაზე დაუყენებია, სხვა მიმართულება ჩაუნერგავს მისთვის. რამდენი შობელი იძახის დღეს ნეტავი სრულებით არ მიმეცა შვილი სასწაელებელში, იქნება კეთილი მუშა მაინც გამოვიდოდა და ერთი საზარალო წვერი საზოგადოებას მოაკლდებოდაო. მაგრამ გვიანლა!.. იქნება იფიქროს ვინმემ რომ სწავლის წინააღმდეგი ვიყოთ. სრულებით არა, სწავლა დაუფასებელია, მაგრამ სწავლა მოკლებული სარწმუნოებასა და კეთილ ზნეობას საზოგადოებისათვის დამღუბველია. ეშმაკებმა ყველაზე მეტი იციან, მაგრამ მათგან სასარგებლო არასოდეს არა ვაკეთებულა რა...

სოფლის ხუცესი.

იმპერატორის ნიკლოზ -I მოკზაურობა
საქარტველოში.
გაკრძელება*)

მოვისურვე ჩემის ხელით ჩამეგლო პირველი ქვა საძირკველად ეკლესიისა, რომელიც აშენებული იქნება წმ. მოწამის დედოფლის ალექსანდრას სახელზე, ხოლო გუმბრს დავარქვით ალექსანდროპოლი.

აქ ოსმალოს საზღვრებზე ყველაზე უფრო დაახლოვებულ, ჩვენ ციხეში გამომეცხადა აზრუმის სერასკირი მაჰმად-ასედ-ფაშა, სულთანის მიერ წარმოგზავნილი ჩემს მოსასალმებლად და მოსართმევად საჩუქრის, რომელიც ცხენებისა, შალებისა და იარაღებისგან შესდგებოდა. ფაშამ მითხრა, რომ ჩემმა მბრძანებელმა ამომიჩიოა, როგორც ოსმალურ მოსაზღვრე მხრის უფროსი, და დამავალა თქვენთვის მოკითხვა მომეხსენებია, საჩუქარი მომერთმია და მზად ვყოფილიყავ თქვენი ბრძანება მომესმინაო. სოფელს მარტელში ჩვენ გადავედით სომხების

ოლქში მოდიოდნენ სომხის ბეგები, მელიქები და ქურთების თავი კაცები, რომელნიც გამომყენენ სარდარ-აბაღამდე, სადაც ღამე გავათიეთ. აქ მხარე თან-და-თან უფრო მშვენიერდება. არარატი სრულის თავის სიდიადით მოსჩანს სურათის უკანა პლანზე და კაცს უნებლიედ იტაცებს ფიქრი მსკოვან ძველ დროისაკენ.

როცა დავეშვი ხეობაში, დავინახე ჩემ წინ საომრად ჩამწყრივებული შეუდარებელი ცხენოსანი ჯარი კენგერდისა, ერთნაირ ტანისამოსით გამოწყობილი და საუცხოვო ცხენებზე მჯდომი. იმის წინამძღოლმა ესხან-ხანმა ცხენი გამოაქანა ჩემკენ და რუსულად მირაპორტა, ვითარცა ჩვენის რეგულიარის მხედრობის აფიცრმა. ამ ამალით მივედი სახელგანთქმულ ეზმიძინის მონასტერში, სადაც მომეგება ცხენზე მჯდარი სომხების პატრიარქი იოანესი. პატრიარქი ცხენიდან ჩამოხტა, სიტყვა წარმოსთქვა, შემდეგ ისევ შეჯდა ცხენზე ღ ჩვენ ერთად განვაგრძეთ სვლა იმის ძველ სავანის კედლებისაკენ, რომელიც სომხების ეროვნობის და სარწმუნოების კაპიტოლიას შეადგენს. ეპისკოპოსები და არხიმანდრიტები, ცხენზე მჯდომნი, რაღაც უცნაურს და თითქო სათეატრო სახეს აძლევდა ჩვენ სვლას; პატრიარქის ცხენი ორს შათირს ანუ პაიკს ლაგამში ხელ ჩაკიდებული მიჰყავდათ, ხოლო მას უკან მოსდევდა 50 კაცი, — რომელნიც შეადგენდნენ მის საპატიო დარაჯს, სანახევროდ ბერის სამოსლით გამოწყობილნი, — და ორი სასულიერო პირი, — ერთი კვერთხით და მეორე დროშით, რაც მოასწავებდა, რომ პატრიარქის პიროვნებაში შეერთებულია სასულიერო, საერო და სამხედრო უფლებაც. დასასრულს, ყველაზე წინ მოჰყავდათ მარქათად ძვირფას ასლებით ჯოგის ცხენი, როცა ჩვენ ამ პროცესით ეზმიძინის ზღუდეს მივადექით, მონასტრისა და იმის ეკლესიების ყველა ზარების რეკა შეუერთდა სასულიერო მწუხრის გალობას და ხალხის გრიალს, რომელიც ყოველ მხრიდან მოსულიყო. მონასტრის გალავნის წინ იდგნენ ბერები და ორი ეპისკოპოსი არქიერის სრულ სამოსლით; ერთმა მათგანმა სამთხვევად გამომიწოდა სასწაულოთ მომქმედი ხატი, ხოლო მეორემ მომართვა პურ-მარილი. პატრიარქი ჩრდილოეთის ალაყაფის კარებიდან განმშორდა და შევიდა სამხრეთის შესავლიდან ჩემდა მისაღებად ტრაპეზის წინ სრულის თავისის საპატრიარქო სა-

*] იხ. „მწვემსა“ № 12, 1903 წ.



მოსელში და ხელში ჯვრით და თავის ხარისხის სრულის ბრწყინვალეობით. აქ იოანესმა წარმოსთქვა მეორე შესხმითი სიტყვა, რის შემდეგ ძველს ტაძარში გაისმა მეფის მისაღები მწუხრის გალობა, რომელიც აქ შვიდის საუკუნის განმავლობაში არ გაგვიგონია. ვემთხვიე ნაწილებს, რომელნიც ამ ტაძარში ათას წელზედ მეტს ხანს განისვენებენ, და ისევე იმავე დიდძალი ამალით დავიარე სამოსელთსაცავი, ანუ სალარო, სინოდის პალატა, სემინარია, სტამბა და ბერების სალარო ოთახი. შემდეგ ამისა შეველ პატრიარქთან, რომელმაც დამლოცა და, მოიწვია რა ღვთისკურთხევა ჩემზე და ჩემ შთაშავლობაზე, საჩუქრად მომართვა ცხოველმყოფელის ჯვარის ნაწილი.

შემდეგ გამოსვლისა ტაძრიდან, რომელმაც თავის სიმდიდრით, ცოტა არ იყოს, ვერ გაამართლა ჩემი მოლოდინი,— დავათვალიერე კენგერის ცხენოსანი ჯარი, რომელიც ჩვენ ერევენამდე გამოგყვა. აქ, შემდეგ ლოცვის მოსმენისა ტაძარში, შეველ ჩემთვის დამზადებულ სახლში და მოხარულიც ვიყავი, რომ დასვენებაც შემიძლო.

2 ოქტომბერს მივიღე სპარსეთის ტახტის მეკვიდრე ვილიატი, შვიდის წლის ყმაწვილი, რომელსაც შაჰის ელჩი ახლდა. მე მუხლებზე დავისვი დიდად ლამაზი ბავშვი და მივმართე ელჩს ფრიად მკვანედ. აუხსენი, რომ ყოველი მის მიერ წარმოთქმული დარწმუნება მშვენიერი ლიტონი სიტყვაა, ხოლო მე მაგ სიტყვებს ვერ დაუჯერებ, სანამ სპარსეთი, არამც თუ აქეზებს ჩვენ ჯარისკაცებს იქ გაპარვისათვის, არამედ მათგან ცალკე რაზმებსაც აღგენს-მეთქი, მე დავსძინე, რომ მოვითხოვ დაუყონებლივ დაგვიბრუნონ ჩვენგან გარდახვეწილნი ჯარისკაცები და თუ ეს ასე არ მოხდა, მე ჩავთვლი სპარსეთს ჩვენდამი მტრულად მომქცევ სახელმწიფოდ-მეთქი. დასასრულ ვუთხარი, რომ ჩემის მხრით მე სასტიკად ვასრულებ ყოველ ტრაქტატებს და იმასაც მოვახერხებ, რომ შაჰმაც მტკიცედ შეასრულოს. თუმცა ეს ასე მოხდა, ჩვენ მაინც ერთმანეთს გამოვესალმენით, ვითარცა კეთილი მეგობრები და მან შაჰის სახელით მომართვა: მშვენიერი ცხენები, მარგალიტები და ბევრი შალეები.

იმ დღეს ჩუხლში გავათიე ღამე, 7-ს კოდაში, ხოლო 8 ოქტომბერს ნაშუადღევს 3 საათზე დიდის ამბით და ზემით შევედით ტფილისში, სადაც ზარბაზნების სროლამ და ზარების რეკამ აუწყა

მკვიდრთ ჩვენი მისვლა; ქუჩები და მიწურ სახლების სახურავები აუარებელის ხალხით იყო სავსე ხოლო ნაირ-ნაირი იქაური მდიდრული ტანისამოსი მშვენიერ სანახავს წარმოადგენდა. რომ საკმაოდ დავიხატოთ, თუ რა გულ-მხურვალედ მიმიღეს, უნდა შევადარო ეს მიღება იმ დახვედრას, რომელსაც აქ, მოსკოვში ვარ ჩვეული და სწორედ გასაოცარია, რომ ხალხის ერთგულობის გრძობა მონარქისადმი ვერ გააქრო იმ საძაგელმა მართებლობამ, რომელიც, უნთა გამოვტყდე, ჩემდა სამარცხვინოდ, ამდენი ხანია ამ ქვეყანას აწევს კისრად.

ტფილისი დიდი ღ მშვენიერი ქალაქია. თუმცა შუაგულ ქალაქს უფრო აზიის ელფერი ადევს, მაგრამ გარეთ უბანი ჩვენ გემოვნებაზეა გაშენებული და ბევრი აქაური სახლი ნევის პროსპექტსაც არ დააუშნოვბდა.

9 ოქტომბერს, დილას, შემდეგ ლოცვისა მიძინების ტაძარში, სადაც აუარებელი ხალხი იყო,— დავესწარი ერევნის კარაბინერთა პოლკის ალღუმს. შუა დღეს მივიღე ხანები და მთიულები სხვა-დასხვა ტომი საპატიო კაცნი, რომელნიც ჩემ ჩამოსვლაზე შეკრებილიყვნენ ტფილისში, და შემდეგ დავათვალიერე საკორპუსო შტაბი, საავადმყოფო, არსენალი, კავკასიის საპიორთა ბატალიონის ყაზარმები, მასთანვე მოწყობილი სასწავლებელი ქართველ ახალგაზდა თავად-აზნაურებისა ღ საფერობილე. ყოველივე ჩინებულად იყო მოწყობილი.

10 ოქტომბერს წირვა მოვისმინე წმ. გიორგის ეკლესიაში; დავათვალიერე ტფილისის მეციხოვნე ჯარი და მომეწონა, შეტადრე არტილერია.

11 ოქტომბერს, ჯარისა, სამხედრო ქსენონისა, კომისსარიატის დეპოსა და აბრეშუმის საქსოვ ფაბრიკის დახედვის შემდეგ, მივიღე ქართველი თავად აზნაურობა, რომელიც ჩემს „კონვოის“ შეადგენდა და ახლა ჩემ ოთახს სდარაჯობდა; ისინი წარმოსდგნენ მშვენიერს ცხენებზე და უძვირფასეს ტანისამოსში მორთულნი და ჩემს წინაშე ურთიერთ შორის ქიშპობდნენ, ვინ ვის ვაჯობებთ ცხენის კენებაში და იარაღის დახელოვნებით ხმარებაშიო. ერთი მეორეზე მარჯვე იყო და მათ შორის ბევრი ისეთებიც იყვნენ, რომელნიც ჩვენს ქალებს გაავიჟებდნენ.

საღამოს დავესწარი რიცხვ-მრავალ ბალზე. ქალები უფროს-ერთნი მორთულნი იყვნენ თავის

ეროვნულ ტანისამოსით, რომელიც ტანადობას ჰფარავს და არც ისე უნოიანი არის, ხოლო ბევრი მათგანი სწორედ რომ მომხიბლავის მშვენიერებით ბრწყინავდა, მაგრამ ეგვევ არ ითქმის ზოგიერთის მათგანის გონიერებაზე.

საზოგადოდ უნდა აღვიარო, რომ საკმაოდ კმაყოფილი დავრჩი საქართველოს დათვალიერებით. გზების მდგომარეობა და გუმბრის ციხე როზენის მზრუნველობას გვიმტკიცებს, ხოლო აღმინისტრაციის სუფევს სხვა-და-სხვა უწყისობა, ისრე მაგრად ფესვ-მოკიდებულია, რომ ვერც-კი წარმოიდგენ აღამიანი. სენატორმა უანმა რამდენიმე თვეს ამ ქვეყანაში რევიზია დაიწყო და აღმოაჩინა მრავალი საშინელი ბოროტება, რომელიც ბარონ როზენის დანიშნამდე გაჩენილა და რომელსაც უკიდურესობამდე უნდა აეღვლებინა იქაურნი მკვიდრნი, რაც უნდა შეჩვეულნი ყოფილიყვნენ ბრმა მორჩილებას. საითაც არ გაიხედავ, ყველგან საშინელი თვითნებობა სუფევს. ჯარის უფროსნიც-კი ისეთ ბოროტ-მოქმედებას კადრულობენ, რომ არც-კი გაგონილა.

მაგალითად, თავადი დადიანი, ბარონ როზენის სიძე და ჩემი ფლიგელ-ადიუტანტი, რომელიც ტფილისის მახლობლად—16 ვერსზეა დაშორებული,— პოლკს უფროსობდა, გამორეკდა თურმე სალდათებს, ნამეტურ რეკრუტებს ტყის საჭრელად და თივის მოსათბავად, ისიც ხან-და-ხან კერძო მებატონეთა მამულში, და შემდეგ ამ ნადავლს ასაღებდა თვითონვე ტფილისში, მთავრობის თვალწინ. ამას გარდა, სალდათების ცოლებს თავისათვის ამუშავებდა და სალდათებს, ყაზარმების მაგიერ წისკვილი ააშენებია; ხოლო დიდძალ ფულში, რომელიც ყაზარმების ასაშენებლად იყო დანიშნული, არავითარი წილი არ დაუღო უბრალო ჯარის-კაცებს. დასასრულ, ამ თავგასულმა 200 რეკრუტი, რომელიც სამხედრო სამსახურისათვის გასაწვრთნელად ჩააბარეს, ფეხშიშველი და ჩაუცმელი ცხვრების, ხარების და აქლემების მწყემსად დააყენა. ეს სწორედ ნამეტანი იყო და, ამის გაგონებისათნავე, ვაფრინე ჩემი ფლიგელ-ადიუტანტი ვასილჩიკოვი საქმის გამოსაძიებლად. ყველაფერი გამოაშკარავდა სწორედ ისე, როგორც გაგონილი მქონდა. ამისთანა სისაძაგლის ჩადენის შემდეგ, მკაცრად მოპყრობის მაგალითის ჩვენება საჭირო იყო. აღლუმის დროს კომენდანტს უბრძანე ვექსილბანტებისა და ჩემის უიფრის ჩამოვლევჯა


თავად დადიანისათვის, ვითარცა ისრეთის კაცისათვის, რომელიც ღირსი აღარ იყო ჩემ ფლიგელ-ადიუტანტად დარჩენილიყო. თავადი დადიანი იქვე მოედინდნ ბობრუსისკის ციხეში გავისტუმრე, რათა დაუყონებლივ სამართალში მიეცათ სამხედრო წესისამებრ. ვერ ავიწერთ, თუ რა მიძიმე იყო ჩემთვის ამგვარი სიმკაცრის ჩადენა და რამდენად შემაწუნა ამ უსიამოვნებამ. თავს ვინუგეშებდი მით, რომ ჩემი წმინდა მოვალეობა ავასრულე და ყველაზე მეტად დამნაშავეს, საკუთარს ჩემს ფლიგელ-ადიუტანტს თავზარი დავეცი, და ამ მსხვერპლით დავიხსენი სხვა პოლკის კომანდირები, რომელნიც ცოტად თუ ბევრად ამნაირივე ბოროტ-მოქმედებას ჩადიოდნენ.

რომის პაპი ლეონ მეცამეტე.

საერო და სასულიერო ეურნალ-გაზეთები ამ ცოტა ხანში ნიადავ აცხადებდნ ტელეგრაფებით რომის პაპის ოთხმოც-და-ცამეტი წლის მოხუცის ჯანმრთელობის ამბავს. მისი სამწყსო, რომელიც მთელს დედა მიწაზე სცხოვრებს დღეს, რიცხვით ორას სამოც მილიონამდე, განაბულის სულით ელოდა შეეტყო მისი ჯანმრთელობის ამბავი. ღრმა მოხუცებულ სულიერ მამის მორჩენას ივინი არ მოელოდნ, მაგრამ მაინც ევედრებოდნ უფალს, რომ რამდენიმე დრო კიდევ ეცოცხლა. თვითონ პაპიმ საქვეყნოდ გამოაცხადა, რომ იგი მიდის განსასვენებლ ადგილს და როგორც შეშვენოდა მოემზადა, ეზიარა და ზეთის კურთხევა შეასრულებინა. სულ უკანასკნელად კარდინალმა რამპოლამ მოახსენა, რომ მის სნეულებას და მისგან დაობლებას სწუხრან, არა მარტო მისი სულიერნი შვილნი, 260 მილიონი, არამედ თითქმის სხვა მორწმუნენიცაო. ქეშმარიტად მართალი უთხრა ეს კარდინალმა რამპოლამ. განსაკუთრებითი რომის ტელეგრაფის ბიურო ველარ აუვიდა დებეშების მიღებას ყოველი დედა მიწის კუთხიდან. ამ დებეშებში ერთ ნაირად იწერებია მწუხარებას პაპის უიმედო მდგომარეობის გამო. აუარებელი სიმდიდრე და ქონება პაპისა ნანდერძევი იქნება მისი მოადგილესათვის, რომ მან მოახმაროს ქრისტიანობის გავრცელებას მთელს დედა-



მიწაზე. სულ მალე იქნება არჩეული ახალი პაპი, რომელსაც საზოგადოება იცნობს საიმედო მამად და უფროს გამგეთ ფრანგთა სარწმუნოების სამწყსოსისა. სასულიერო წარმომადგენლები უკვე მისულნი არიან რომში, რომ მონაწილეობა მიიღონ პაპის არჩევაში, და ვინც ვერ დაესწრება, ხმას მაინც მისცემს შორიდად. ყოველი ხმის მქონე იმას ფიქრობს, რომ აღირჩიოს ერთგული მოსამსახურე ღვთისა და თავგამეტებული ერთგული მოსამსახურე თავის ქვეყნიერის სამწყსოსათვის. ამ ქვეყნიერების ძალასა და დიდებას იოტის ოდენა გავლენა არ აქვს ამომრჩევლებზე. ამით აიხსნება ის დიდი უფლება, რომელიც ყოველ პაპის აქვს მინიჭებული. ამბობენ პაპის ჩამოერთვა საერო უფლებაო. უნდა ვსთქვათ, რომ იგი დღესაც ძლიერი არის სასულიერო გამგეობაში, ღვთის გარდა არავის არ ემორჩილება და სასულიერო საქმეების მმართველ-გამგეობაში მხოლოდ თვითმპყრობელი და თავისუფალი მომქმედი არის...



შუჩნალ-გაჯეთეზიდან.

ამას წინად გექტოგრაფით დაწერილი წერილები გავრცელდა პეტერბურღში, რომელ წერილებშიაც შეურაცხებითი სიტყვები იყო დაწერილი სერაფიმი საროვესკის ცხოვრების შესახებ რომლის გვამი დიდის ამბით უნდა იქმნეს ამოდებული საფლავიდან და ძვირფას ლუსკუმაში ჩასვენებული, და დასვენებული ტაძარში 19 ამა ივლისს. ამ წერილების შესახებ „НОВОЕ ВРЕМЯ—ში“ ჩვენ ვკითხულობთ შემდეგ წერილს მონაწერს მიტროპოლიტის ანტონისაგან:

„ამ სამი კვირის წინად პეტერბურღში ძლიერ გავრცელდა გექტოგრაფით დაბეჭდილი ფურცლები, რომელიდაც „მართლმადიდებელ ეკლესიასთან მებრძოლ კავშირისა“, რომელიც მავნებელია რუსეთის ხალხის კეთილდღეობისათვის. ამასთანავე აღნიშნულია, რომ „კავშირი თავის წმინდა და ჭეშმარიტ მოვალეობად სთვლის მიიღოს შრომა თავის თავზედ და ჩააგონოს რუსეთის ხალხს, რომ სერაფიმ საროვესკის წმ. ნაწილები არ დარჩება, თუ საჭიროება მოითხოვს, კუბოში გაუჭრელი და გამოუკვლეველი“.

„არ ვიცი, არსებობს თუ არა ამნაირი მართლმადიდებლობასთან მებრძოლი კავშირი; ეს ფურცლები-კი გონივრული მეცადინეობის ნაყოფია, რომელიმე არეულობის მოყვარულ ვაჟბატონისა; ფურცლები იმდენად ძლიერ გავრცელდა, რომ თავისდა უნებურად აალაპარაკა მთელი პეტერბურღის საზოგადოება და შესაძლებელია პროვინცია და მივარდნილი ყრუ ადგილიც, თუ-კი იქაც გაავრცელდეს ამნაირი უკუღმართი ფურცლები. ამ ფურცლებში რომ მხოლოდ „კავშირის“ დაარსება ყოფილიყო გამოქვეყნებული, მის შესახებ ლაპარაკი-კი არა ჰღირდა. დამტკიცება იმისი, რომ მართლმადიდებლობა რუსეთის ხალხის კეთილდღეობისათვის მავნებელიაო, როგორც ამას კავშირი ამბობს, ნიშნავს სრულს ბრყვობა-გაუზრდევლობასა და რუსეთის ისტორიის სრულებით გაუგებლობას. ამ ფურცლებში რიხით ეხებიან წმიდა სერაფიმ ბერის საქმეებს, არა სასიამოვნოდ იხსენიებენ მას და მისს წმიდა კუბოს ნიშნს უგებენ, და ყველა ამას „თავის წმინდა და ჭეშმარიტ მოვალეობად სთვლიან“, თითქოს აქ ვინმეს ჭეშმარიტება შეეებღალოს! როგორც უფალმა არ განასამართლა ურწმუნო თომა თავისი ურწმუნოებისათვის, არც მე შეუღდგები მათ რიხიანობის განსამართლებას. სერაფიმე ბერის შესახებ მორწმუნე და განათლებულ ხალხშიაც-კი დადის ბუნდოვანი ხმები და საკითხს: „რა არის კუბოში?“, ექვის თვლით უცქვრიან. ამ უაზრო ექვის აღსნაგანმარტებას არ შეუღდგები; ვუპასუხებ მხოლოდ პირდაპირ ამ საკითხს

— „რა არის კუბოში?“ კუბოში ნათლად აღმოჩნდა განსვენებულ ბერის ტანისამოსის ნაწილები. სხეული გახრწნილა, ხოლო ძვლები, თმა და წვერები სრულიად უვნებლად შენახულია. ასეთია კუბოს მდგომარეობა...

„პროფესორი ე. გოლუბინსკი სამართლიანად ამბობს: „არიან ჩვენში ადამიანები, რომელნიც ღმერთსაც-კი ექვის თვლით უცქვრიანო, მაგრამ ჭკუა-გონებით-კი არ მოსდით ეს; ესენი ამტკიცებენ, ვითომც წმიდა ნაწილები, თუ ნამდვილად წმიდაა, ყოველთვის გაუხრწნელი უნდა იყოსო, ე. ი. სრულიად მთელი, ხელშეუხებელი დ სხეულს ერთი ბეწვა ზიანიც-კი არ უნდა ჰქონდესო.“ ამ ნაირი მტკიცება უაზროა და ძირითადად ეწინააღმდეგება საეკლესიო მკნებას, რომლითაც გაუხრწნელი ნაწილები სრულებითაც არ ითვლება საზოგადო და უთუო ნიშნად წმიდა სათნოთა სადიდებელად...



„წმიდათა წმიდანობის დასამტკიცებლად ისინი ან თვით ახდენენ საკვირველებას კუბოში და ან მათი ნაწილები, სულ ერთია, მთელი სხეული იქნება ის თუ მხოლოდ ძვლები. როდესაც წმ. ნაწილები გაუხრწნელია, ეს საკვირველების მოხდენაა, მაგრამ დამატება იმ საკვირველებასთან, რომელიც მათი შემწეობით ხდება ხოლმე (იხ ამის შესახებ ვრცელი გამოკვლევა „Церковныя Вѣдом.“-ში №12 1903 წ. ამ სათაურით: „უხრწნელი წმ. ნაწილები“). სერაფიმე ბერის წმიდანობა მისი ნეშთის თვისებაში-კი არ გამოიხატება, არამედ მისდამი ხალხის რწმენაში და ამის მიერ მოხდენილი მრავალ საკვირველ მოქმედებაში, რომელნიც, როგორც გამოკვლევამ აღმოაჩინა, ყოველსავე ექვს გარეშეა და ყოველად სარწმუნო...“

„წმიდა კაცისათვის ყოველივე წმიდაა და საკვირველ მოქმედი, თითქმის აჩრდილიცა და ტანი-სამოსიც-კი, და არა მხოლოდ სხეული ანუ ძვლები მაგალითად: აჩრდილი პეტრე მოციქულისა და თავსაკრავი პავლე მოციქულისა ავადმყოფთ ჰკურნავდა; ელისე წინასწარმეტყველის ძვლების შეხებით მკვდარი აღსდგა; წმიდა კაცის ფეხით შედგომით უსულო გვამი მთელს ძალ-ღონეს იკრებდა... წმიდა სერაფიმეს სხეულს ნეშთი ძვლებითურთ მორწმუნეთათვის უძვირფასესი წმიდათა-წმიდაა, ჭეშმარიტი საუნჯეა, რომლის მეოხებითაც მათ არ მოაკლდებათ მისი განმაკურნებელი შველა.“

„ამ გვარად, სერაფიმე ბერისა კუბოში დარჩა მხოლოდ ძვლები, სხეულის ჩონჩხი, მაგრამ როგორც ღვთის სათნო ადამიანის, წმიდა კაცის ნეშთი, ისინი ითვლებიან წმიდა ნაწილებად და აწ დიდის ამბითა და კურთხევით გარდატანილი იქნება მიწის გულიდგან მოწიწებითა და პატივისცემით მლოცველთა ღმრთისა და მისი მძიარებულ მისს, ღირსის სერაფიმე ბერის სამლოცველოში.“

* *

„პეტერბურგის უწყებებში“ ბ-ნი იაკობ გოგებაშვილის წიგნია გარჩეული: როგორ უნდა გაუმჯობესდეს კავკასიის სახალხო სკოლა“. მოგვყავს სავსებით პატივცემული გახეთის აზრი ზემო დასახლებულ წიგნის შესახებ:

„ცნობილი ქართველი პედაგოგი ი. ს. გოგებაშვილი თავის წიგნში: როგორ უნდა გაუმჯობესდეს კავკასიის სახალხო სკოლა, ასახელებს შემდეგ მანერებს მხარეებს პირველ დაწყებით განათლებისას კავკასიაში:

ერთი უმთავრესი მიზეზი კავკასიის სახალხო სკოლის უნაყოფობისა არის დედაენის განდევნა სკოლიდან. ბავშვის გონებრივ ძალთა გაღვივება მისი აზროვნებითი, ნიჭისა და გამჭრიახობის განვითარება, რა თქმა უნდა, თავის თავად ბედნიერებაა და სიკეთეა, მაგრამ ამავე დროს ერთი უსაჭიროესი პირობაა საგნების სწავლებისა სკოლაში. ეს გამოფხიზლება და განვითარება ბავშვისა შესაძლებელია მხოლოდ მაშინ, როცა პირველ დაწყებით სკოლაში ბავშვს ესმის საგნების სწავლა და განმარტება მშობლიურ ენაზედ. არსად და არასოდეს სკოლას თავის განმანათლებელი მიზნისთვის არ მიუღწევია, როცა სცდილა ხალხი გაენათლებია უცხო და ვაუგებარ ენის საშუალებით. პირიქით, სკოლა მაშინაა წარმატებაში, როცა ბავშვებს ესმის მშობლიური სიტყვა, მშობლიური ენა. აზიტომ სრულიად მართალი იყო ნევეროვი როცა წარმოსთქვა: „არ არსებობს განათლება, თუ დედა ენა კარგად არ იცი, რომელიც იარაღია აზრის გამოსახატავად“. ეს დიდად განათლებული პედაგოგი ამ აზრის იყო არა მარტო თეორეტიულად, არამედ მუდამ სცდილობდა პრაქტიკულად განცხორციელებია თავის შეხედულება სწავლების შესახებ.

მეორე მიზეზი ის, რომ დედა ენაზედ წერაკითხვა—არა სავალდებულო საგანს შეადგენს. დედა ენაზედ წერაკითხვა არა მარტო არსებითი საჭიროებაა მცხოვრებთათვის, ამავე დროს ხელსაც უწყობს რუსულ წერაკითხვის შეთვისებას. როცა მშობლიურ წერაკითხვის სწავლებას წინ უსწრებს რუსულ წერაკითხვის სწავლებას, მაშინ რუსულ ენას უფრო ჩქარა, უფრო კარგად ითვისებენ ბავშვები. საქართველოში, მაგალითად, იშვიათად შეხედვებით ქართულის წერაკითხვის მცოდნემ რუსულიც არ იცოდეს, ქართულ წიგნებიდან ბავშვები სრულიად ბუნებრივად გადადიან რუსულზედ. დედა ენის ცოდნაცოდნა ის საფუძველია, რომელზედაც შენდება შემდეგში რუსული ენის შესწავლის მკვიდრი ნიადაგი. როცა ეს ასე არ ხდება, რუსული ენის შესწავლას არავითარი ნიადაგი არ ექნება და, როგორც ბ-ნი უშინსკი წინისწარმეტყველებს, რუსული ენა ითქვიფება და იღუპება უცხო ხალხთა სოფლებში. ამ გაქრობას რუსულის ენისას უცხო სოფლებში ძლიერ ხელს უწყობს ერთი გარემოება. რუსულ ენის წარმატება იმაზედაცაა დამოკიდებული, თუ მშობლები



როგორ უყურებენ რუსულ ენას. ეს დამოკიდებულება კი იმაზეა დამყარებული, თუ რამდენად პატივსაცემენ სამშობლო ენას და რა ადგილი უჭირავს მას სკოლაში. ბუნებრივია, კანონიერი გრძობაა, როცა მცხოვრებთ უყვართ თავისი ენა, უიმისოდ მას ცხოვრება არ შეუძლიან, მისი სულიერი ბუნებრივი და ქონებრივი განვითარება ამ ენაზეა დამყარებული. ამავე დროს ხალხი სცდილობს შეითვისოს და შეისწავლოს სახელმწიფო ენა. მშობლიური ენა აყვარებს ხალხს სახელმწიფო ენასაც. როცა სკოლიდან ადგილობრივი ენა განდევნილია, ამას აშკარად გრძობს და ამჩნევს ხალხი და ძალაუნებურად მტრულის თვალთ უყურებს სახელმწიფო ენას, რაიც ხელს უშლის და აფერხებს სწავლა-განათლების გავრცელებას ხალხში“.



ვილაც ოტიას.

იტყვის მაცხფარი: „მაგინებელთა თქვენთა აკურთხევით და მწუგვართა თქვენთა უფლებადით“.

რა მეთქმის მწაფეთს მისს ნაცვალა მტკვებად შენდაში, ძმაო, ოტია, თუ არა ესე: „ღმერთმან გაკურთხოს, შეგინდოს და მტკვებენს შენი სიტყუვის ცილის წამებანი, რომელნიც გაზეთ „კვალში“ დაბეჭდეთ ჩემ შესახებ, და რომელთაც ჰირადი ჩემი საუკუნო ღირსება დააჯილდოვე შეცხრე ნეტარების სიტყუით: „ნეტარ იყვნეთ თქვენ, რაჟამს გღვინიდენ და გვედრიდენ, და სთქვან ეოველი სიტყვა ბარბატი თქვენდა მამართ სიტყუით ჩემთვის“... რაც შეეხება სარწმუნოების მხრე სწავლადობის დაბრკალებას, უმჯობეს იყო შენდა, ვითარცა მწამბს სხსარება, ქვა კიდებული ზღვაში ჩავარდნილიყავი.

ალექსი ბერი.

22 ივნისი 1903 წ.



ახალი ამბები და შენიშვნები.

* * მ. იოანე კრონშტადტელს მიუღია შარშან 600 ათასი მანეთი შეწირულება საქველ-მოქმედო საქმეთათვის. ყოველწლივ თურმე იღებს მამა იოანე 600—800 ათას მანეთს შეწირულებას.

* * „ივერია“-ში ვკითხულობთ შემდეგს. „სასულიერო მთავრობას განუზრახავს სამოსწავლო ოლქები დააარსოს რუსეთში და კავკასიაშიც. თუმცა ეხლა სამოსწავლო ოლქის მეთვალყურეს თანამდებობა არსებობს ჩვენში, მაგრამ ეს თანამდებობა მხოლოდ უწმინდესის სინოდის დადგენილებით არის თურმე შემოღებული და, როგორც გადმოგვცეს, არა უმაღლესის ბრძანებით. განზრახული ოლქები-კი შესაძლოა მხოლოდ უმაღლესის ბრძანებით დაარსდეს. ოლქს განსაკუთრებული საბჭო განაგებს, ეპარქიის მღვდელ-მთავრის თავმჯდომარეობით. წევრებად იქმნებიან ეპისკოპოსები, სემენარიის რექტორები, სამოსწავლო ოლქის მეთვალყურე, გუბერნატორი და სხვა მაღალ დაწესებულებათა უფროსნი. ფრიად საჭიროა პროექტი ამ ახალ ოლქების დაარსებისა წინაღვე გამოქვეყნდეს და მწერლობამ თავისი მსჯელობა გამოსთქვას. აუცილებლად საჭიროა აგრეთვე ამ საოლქო საბჭოებში მონაწილეობას იღებდნენ გუბერნიისა და მაზრების მარშლები და ადგილობრივის ცხოვრებისა და ზნე-ჩვეულებისა და მოთხოვნების მცოდნენი.“

ახირებულ სურვილს იჩენს „ივერია“! განა მართებლობა მისცემს ნებას, რომ საზოგადოებისაგან აღრჩეული პირებიც შეუერთდენ ამ საბჭოში მოსამსახურეთა?!... რატომ არა სურს „ივერიას“, რომ მომრიგებელი შუამავლებიც იყვნენ ამ საბჭოში... მაშინ ხომ საქმე უკეთესად წავიდოდა?..

* * „ოსერვატორე რომანო“ ოფიციალურად იუწყება, რომ გუშინ კარდინალმა რამპოლამ პაპს ზოგიერთი ისეთი რწმუნება მოსთხოვა, რომელიც პაპის განსაკუთრებულ უფლებას შეადგენს; პაპი დასთანხმდა. მერე რამპოლამ მოახსენა პაპს, რომ მთელი ქვეყნიერება და ბევრი არა-კათოლიკე სარწმუნოებისაც გულმტკივნეულობას გიცხადებენო. პაპმა სიხარულით მოისმინა ეს და კარდინალს ახალი საერო და საპოლიტიკო ამბები ჰკითხა. რამპოლამ მოკლედ უამბო. პაპმა ყურადღებით მოისმინა მოხსენება.

* * „ცნობის ფურცელ“-ში ვკითხულობთ: ტფილისისა, ბორჩალოსა და ახალციხის მაზრების სახელმწიფო ადგილებში რუსეთიდან გადმოსულთა დასახლებას აპირებენ. ამ ადგილების დასათვლიე-

რებელად განსაკუთრებულ მოხელესა ჰგზავნიან. გუბერნატორმა ბრძანება გაუგზავნა მაზრის უფროსებს, რომ ყოველ-გვარი დახმარება გაუწიონ ამ მოხელეს. ამ ამბავის კითხვის დროს უნებლიედ მაგონდება «დიდების ტაძრის» ერთი წარწერა...


* * * შარშან ნობელის ნავთის მრეწველ საზოგადოებას წმინდა მოგება ჰქონია 2,157,929 მ. 30 კაპ. აქედან აქციის პატრონებს დაურიგდებოთ 1,541,747 მ. 92 კაპ., საბჭოს წევრებს, დირექტორებსა და სხვა მსხვილ მოსამსახურეებს — 227,831 მ. 95 კაპ.; წვრილ მოსამსახურეებს მხოლოდ — 88,726 მან. 38 კაპ.

* * * ამას წინაღუ კუბანის ოლქში კიევისა და სხვა გუბერნიების გლეხებს საგლეხო ბანკის დახმარებით შეუძენიათ 10,459 დესეტინა საუკეთესო ადგილი, ღირებული 1,078,000 მანეთად. საგლეხო ბანკს მიუცია 875,000 მანეთი. მყიდველთა შორის კიევის გუბერნიიდან 700 ოჯახია. დანარჩენები პოდოლისა, კურსკისა, ხარკოვისა ხერსონისა და ჩერნიგოვის გუბერნიიდან არიან.

* * * „კავ.“-ს დეპეშით ატყობინებდნენ, რომ „პეტ. ველ.“-ვ. ველიჩკოს ხელში გადადისო. ეხლა „ივერია“-ში ვკითხულობთ, რომ ხსენებული გაზეთი ველიჩკოს კი არა, ისევ ბ-ნ უხტომსკის ხელში რჩება.

* * * სურამიდან ატყობინებენ ცნობის ფურცელს: წელს ძალიან ცოტა მოაგარაკე გვეწვიაო, რადგან ჯარი აღარ მოსულა საზაფხულოდ, არც დუშეთი-და აღარც გორიდან. ასე რომ ცარიელზე დარჩნენ როგორც სახლის პატრონები, ისე თავხედი ჩარჩები, რომელთაც გამორჩენის მადა ძალზე ჰქონდათ განვითარებულიო.

* * * გორის მაზრიდან სწერენ ცნობის ფურცელს: „ეს რამდენიმე დღეა აქ თავზე ხელ აღებულია ბრბო შესდგაო ამ ბრბომ ამას წინაღ სოფ. ატოცი-დან სამი ქალი მოიტაცა და მახლობელ ტყეში სამი დღე დაჰყო. ამავე ბრბომ სოფ. ალში მცხოვრებს დავით ჯანოვოშვილს შეუთვალა, ფული გამოგვიგზავნე, თორემ აგიკლებთო. შეშინებულ ჯანოვოშვილს ცოლ-შვილი სურამში გაუგზავნია და ყველაფერი პოლიციისათვის უცნობებია“.



სწავლა და მეცნიერება ქრისტიანობრივ საღმრთოებასა და კეთილზნობაზე.

ლოცვა

წოკარც მწუხარების შამქარვებელი სსშუალება. ფარარისა.

(რუსულიდან)

„და იყო ღვაწლსა შინა უმეტესლა ილოცვიდა“
სახ. ლუკასი 22—44.

შემდეგ უკანასკნელი სერობის გათავებისა, უფალმა და მისმა ღოწაფეებმა, რომელთა რიცხვს აღარ ეკუთვნოდა გაუბედურებული და ბოროტსვიანი გამცემელი, წარსტყვეს უკანასკნელი ლოცვა, განვლეს ბჭენი ქალაქისა ო გაემგზავრნენ ზეთისხილის გამწვანებულ მტილისაკენ.

დიდებული, მაგრამ მასთანავე იღუმალის მწუხარებით აღსავსე იყო ეს მათი უკანასკნელი მგზავრობა. რაღაც გამოურკვეველი შიში, როგორც ლოდი ისე აწვა გულზედ და უმღვრევდა სულის სიმშვიდეს ამ ღარიბ გალილეველთა მცირე რიცხვს, იმ დროს როცა ისინი თითქმის შეუწყვეტელის სიჩუმით ღამის წყვდიადში მისდევდნენ თავის მეუფეს — ზეციურს მოძღვარს, რომელიც თავ-ჩაკიდებული და მწარე ნაღველით გულ-შეწუხებული ეგებებოდა თვითნებობით და თავის სურვილისამებრ განშაღებულს ტანჯვა-წვალებას. ამ ღამეს ასინი აღარ დაბრუნდენ, ჩვეულებისამებრ, ბეთანიაში, არამედ დარჩენ გეთსამანიის ბაღში.

იესომ უწყოდა, რომ ჟამი მისი უკიდურესი დამცირებისა მოახლოებულ იყო, რომ ამ წუთიდან დაწყებული ვიდრე ჯვარზედ სულის განტეგებამდე, მას უნდა ეგემა ის ფიალი ტანჯვა-მწუხარებისა, რომლის ატანაც ოდნავ მაინც შეუძლია ადამიანს და გამოეცადა სავსებით ის სულის შემზუთველი და დამწველი ურვა, რომელსაც ძალუქს გაუძლოს კაცმა; ასე რომ ამ მოსალოდნელს ხორცის ვნებას და სულის კვეთებას არ შეეძლო კვალი არ აღებეჭდა და არ დაერღვია ცოტა ხნობით მაინც ნათელ-მო-



სილი სიმშვიდე და საზოგადოთ აუღელვებელი სიწყნარე მისის ღვთაებრივის სულისა... ცოტა რამ დრო რჩებოდა კიდევ მის უფლებებაში და ამ დროთი უნდა ესარგებლებია მას. რათა გაემხნეებია და გამაგრებია თვისი გული, ლოცვით და მარტობით დაემშვიდებია და ყნურებით აღექურვა თვისი აღელვებული სული იმ დრომდის, სანამ სიბოროტე მთელის თავის სიმძიმით არ დაატყდებოდა მისს უღანაშაულო და წმიდა თავს. ის უნდა მედგრად შეხვედროდა ამ განსაცდელს და ძლევა-მოსილიც დარჩენილიყო; მას—მხოლოდ ერთად-ერთს უნდა დაეძლიოს ეს უუმწარესი და უუბნელესი სულის კვეთება და ხორცის ტანჯვა. ის არ ითქმის რომ მისთვის საჭირო არ ყოფილიყო თანაგრძნობა, არა, რადგანაც ყოველი დიდებული სული საჭიროებს მაში, და შეიძლება უზღიდებულესი სული უფროც საჭიროებდეს... თუმცა მისს მეგობრებს ეძინათ, როცა გამცემელს თვისი უგვანო აზრი დაუბრკოლებლივ მოჰყავდა სისრულეში, მაგრამ მაინც ანუგეშებდა იესოს ის აზრი, რომ ამ შავბნელ დროს ახლოს არიან ისინი, რომელთაც ყველაზედ უფრო მეტად უყვარდათ იგი. „დასხედით მანდა“ უთხრა მან ამ მცირე რიცხვს თავის მოწაფეებისას „ვიდრემდე მივიდე იქი და ვილოცო“ ლე ისინიც გამოეხვიენ წამოსასხამებში და მიწვნენ დასაძინებლად, ხოლო მან წაიყვანა პეტრე, იაკობი და იოანე, ეს არჩეულთა შორის არჩეულნი და განვიდა მათგან ქვის სატყორცებლოდენ. მაგრამ მათი სიახლოვეც აუტანელი შეიქნა მისთვის. გამოუთქმელმა მწუხარებამ და კაცისაგან აუტანელმა ტანჯვამ შეიპყრეს იგი და თითქმის წინ-და-წინვე აგემეს მას სიკვდილის შხამით აღსავსე ფიალი... მან უფრო აშკარად იგრძნო მარტობის სურვილი, მოინდომა დარჩენილიყო მარტოდ მარტო —მამა ღმერთთან. ის განშორდა მოწაფეების სიახლოვეთ გამოწვეულს თანაგრძნობას, განვიდა მათგან, მიატოვა მთვარის მკრთალის სხივებით ოდნავ განათებული არე ზეგაშურა ზეთისხილის ხეების გაბადრულ შტოებს ქვეშ, სადაც მთვარის შუქი აღარ უწევდა. და აი ამ შავ-ბნელ და მყუდრო კუთხეში მოწაფეები ხედავდენ მას ხან მუხლ-მოდრეკილს და თავ-ჩაკიდებულს, ხან მიწაზედ განრთხმულს და მთრთოლვარეს. განცვიფრებამ და შიშმა მოიცვა იგინი და მათ ეგონათ, რომ მთელი ეს არე-მარე სავსე იყო კეთილ და ბოროტ სულებით, რომელნიც ჩუმად,

მაგრამ სასტიკის ძალით იბრძოდენ, რომ რომელიმე მხარეს დარჩენოდა საუკუნო გამარჯვება—ძლევა... მათი შიში და აღელვება იმ ზომამდე მივიდა, რომ ის სიმწრის ოფლი, რომელიც წვეთ-წვეთად ჩამოსდიოდა იესოს სხივით მოსილს სახეზედ ამ მომაკვდინებელ სულის კვეთების დროს, შათ ეჩვენათ სისხლის წვეთებად. უკანასკნელნი სიტყვები იმ ვედრებისა, რომლითაც ქრისტე მუხლ-მოდრეკილი და ხელ-აპყრობილი მიმართავდა თვის ზეციურს მამას და რომელნიც მოესმათ მოწაფეებს, იყვნენ შემდეგნი: „უკეთუ შესაძლებელ არს თანაწარმხედინ ჩემგან სასმელი ესე, ხოლო ნუ ნება ჩემი, არამედ ნება შენი იყავნ“...

რა მნიშვნელობა აქვს, ძმანო, ჩვენთვის ამ შესანიშნავს შემთხვევას? რაში მდგომარეობდა საშინელება ამ შუალამის ჟამისა? ნუ თუ ფიქრობთ, რომ ეს იყო შიში სიკვდილისა და რომ ამას შეეძლო ძირიანად შეერყია და აღეშფოთებია წმიდა ლე უმანკო სული ძისა კაცისა?... მაგრამ ნუ თუ ცხადზედ უცხადესი არ არის თვით ბავშისათვისაც, რომ ეგრეთი შიში წარმოუდგენელი ლე შეუძლებელი ხდება თუ-კი მოვიგონებთ იმ გმირულს მხნეობას, რომლითაც მან აიტანა ყოველი ტანჯვა-წვალება თხუთმეტი საათის განმავლობაში; —იმ დიადს სიჩუმეს, რომლითაც მან განცვიფრებაში მოიყვანა მკაცრი რომაელი; —იმ სულის დიდ-ბუნებოვანება—სიდიადეს, რომელმაც განულო ბჭენი სამოთხისანი შენანებულს ავაზაკს და მიანიჭა შემბრალებელი შენდობა განდგომილს მღვდელთ-მთავარს?... განა წარმოსადგენია, რომ სიკვდილის შიში შეიპყრობდა მას, როდესაც თვით სიბერით მთრთოლვარე მოხუცნი, სუსტნი ქალწულნი და მხრდალნი ჭაბუკნი შეუხრელად და სიამით ეგებებოდენ, მხოლოდ მისის ძალით განმხნევებულნი და მისის სახელით გადიდ-სულოვანებულნი ათასნაირის სახით მოვლენილს სიკვდილს?...

შიში მხოლოდ სიკვდილისა არის შიში, რომელსაც ადვილად სძლევს დაბალი ვნებაც კაცის გონებისა და სულისა, ან და განა ცოტა ბრიყვნი ლე თავხედნი დამნაშავენი შეხვედრიან სიკვდილს გულ-მაგრად და მხნედ? თუ-კი ვინმემ იცოდა და იცის, მით უფრო იესომ, რომ სიკვდილი ისეთივე ბუნებითი მოვლენაა, როგორც დაბადება—შობა, რომ სიკვდილი ღვთის მოყვარულთათვის არის დიდებული ღღე განახლებისა, წარმოშობისა, რომ ის (სიკვდილი)




არის ის ნეტარი ძილი, რომელიც ეძლევის კაცს ღვთისაგან. შხამი სიკვდილისა, ერთად-ერთი შხამი არის ცოდვა და სამარც მხოლოდ მით გვძლევს, რომ მიგვცე მას ხრწნილებას. არა, ის, რამაც გადმოადინა იესოს სახილგან სისხლის ოფლი, იყო ბევრად უფრო მომაკვდინებელი და შემაწუხებელი ვინემ სიკვდილი. თუმცა ოვით იყო უცოდველი, მაგრამ ტანჯვა იტვირთა ცოდვისათვის. კაცობრიობის საშინელი და შესაზარელი ცოდვა მთელის თავის სიმძიმით აწვა კისერზედ ღ ზხუთავდა მას სულს; და წმიდა ბაგით სვამდა იმ მწარე ფიალს, რომელიც ცოდვამ აავსო თვისის მომაკვდინებელის შხამით. განა შესაძლებელია, რომ სრულს უმანკობას შეუდრეკელად აეტანა ყოველივე ის რაიც არის საზიზღარი კაცობრიობის უმადურობაში და ადამიანთა სივერაგეში? განა შესაძლებელია ძვირს და ზიზღს ცოტა ხნით მაინც არ დაებუდებოის მის გულშიდ, ვინც იყო სრული, განხორციელებული სიყვარული, მათდამი ვინც იყენენ მისნი, ვისთვისაც იგი მოვიდა ქვეყანასა ზედა და რომელნიც სულელურის ზიზღით ეპყრობოდენ დაუსაბამო და დაუსრულებელს სიწმიდესა, სიყვარულს და მშვიდობას?.. ვნება იგი იყო ნებსითი, თვითნებობითი, მაგრამ მაინც იყო ვნება, რომელიც მან მოითმინა ჩვენთვის. ძე ღვთისამ ივნო მისთვის, რომ ვნებითა და ტანჯვითა თვისითა წარმოშოს და ადაყვაოს დაუსრულებელი შებრალება.

ჩვენთვის მოუხერხებელია სრულიად აღწეს-ხოთ საიდუმლო მნიშვნელობა ამ სისხლით შეზავებულის ღვაწლისა, მაგრამ ჩვენ შეგვიძლია ჩვენდა სასარგებლოდ მივაპყროთ ყურადღება და, განთავისუფლებულნი ყოველივე მდაბალის სულის ვნებისა და კვეთებისა და უკუმგდებელნი სიამაყისა და თავხედობისა, გულმოდგინეთ დაუკვირდეთ ამ შესანიშნავს თქმულებას: „და იყო ღვაწლსა შინა უმეტეს-ლა ილოცვიდა“. ვკადნიერდები გამოვიყვანო ამ თქმულობიდან ორიოდ მოძღვრება მათთვის, რომელთაც ასხენ ყურნი სმენად. ამ მოკლე, მაგრამ ღრმა აზროვან თქმულობას აქვს ჩვენთვის დიდი მნიშვნელობა... ყოველი ჩვენგანისთვის აღრე თუ გვიან დადგება მოთხრობილი ჟამი გეთსიმანიისა; იგი შეიძლება იქნეს გეთსიმანია ბრძოლისა, სიღარიბისა და ზრუნვა—შრომისა, ან და გეთსამანია ხანგრძლივისა და მძიმე ავადმყოფობისა; ან შეიძლება იგი იქნეს გეთსიმანია შენდობის გამოთხოვებისა და მიცემისა

იმ დროს, როცა მწოლარე სარეცელსაზედა სიკვდილისასა, ვგრძნობთ-რა სიკვდილის მოახლოებას უკანასკნელად ვუტკვერთ ჩვენთა საყვარელთა და მეგობართა, ან და გეთსიმანია სვინდისის ქენჯნისა და ცოდვათა შეგნებისა, რომელთა (ცოდვათა) არა ქნა ჩვენ არ გვსურს, მაგრამ რომელთა შესახებაც ვამბობთ, რომ არ ქნა არ ძალგვისს. მაგრამ, ძმანო, ამ გეთსიმანიის განსაცდელსა შინა შთაფრდომილთ და თვით ცოდვისაგან ტანჯვის მორევში ჩაფლულთ მოგვხედავს, გაგვამხნეებს და ნუგეშსა გვცემს თვით ის, რომელმაც იტვირთა ჩვენთა ცოდვათა სიმძიმე, უკეთუ მივმართავთ მას ვედრებითა და ლოცვითა. იგი იქნება ჩვენი შემწე უკეთუ ჩვენ ვიქნებით-რა ღვაწლსა შინა—ვიფიცავთ. მას შეუძლია, რომ შეგვიბრალოს და კიდევაც ებრალება ჩვენი უძლურება. მან—მხოლოდ მარტო ერთმა შესვა ფიალა ვნებათა და მწუხარებათა; იგიც იწვა თავდაღმა განრთხმული მიწაზედ და ის ნუგეში, იმედი, რომელიც მან მიიღო იმ დროს მან აღგვითქვა ჩვენცა, დიად, აღგვითქვა ნუგეში, შემწეობა, მშვიდობა სულისა, განკურნება, ნათელი, სასოება, სარწმუნოება, უფსკრულიდგან აღმოყვანებული ხელი, განმკურნებელი ძალა ლოცვისა. ქეშმარიტად ლოცვა არის ბუნებითი ნუგეში; რომელსაც ძალაუნებურად ელტვის ქრისტიანი. როდესაც წყალთა ნაკადულნი წავგვოვებ ჩვენ, როდესაც გვეჩვენება, რომ ღვთის რისხვა და მენი გვეცემის თავზედ, როდესაც უბედურობა, ვითარცა აღელვებულის ზღვის ზვირთები ჰფარავს ჩვენს შეცოდებას,—ასე რომ თვით ცოდვაც შთაუნთქავს მწუხარებას. ოჰ, მაშინ თუ-კი რომ ჩვენშიდ სრულიად არ არის ჩამქრალი სულის მისწრაფება და ღვთაებრივი მსგავსება, რა უნდა ვქნათ უკეთესი თუ არ დავარდეთ და მივმართოთ იმ აღსავალს კიბეს, რომელსაც ძალუძს ქვეყნიურს მოგვაშოროს და მიგვაახლოვოს, ძალუძს დაგვიახლოვოს ღმერთი მოწყალებისა და ღმერთი სიყვარულისა. ქეშმარიტად მწუხარება-გაჭივრებაშიდ ჩავარდნილნი ჩვენ ვლოცვილობთ და ლოცვითა მით განვიკურნებით ყოველივე ტანჯვა-გვემისვან.

მღ. არტემი ბოკორიშვილი.

(შემდეგი იქნება)





მართლმადიდებლობით—ქრისტიანობრივის სა-
ეკლესიო საზოგადოებითის ღვთის მსახურე-
ბის განმარტება.

(გაგრძელება*)

დიდი კვერქისს ყოველ წარმოთქმაზე მგალო-
ბელნი ვალობენ: უფალო, შეგვიწყალებს!

მოკლეთა ეს ლოცვა, მაგრამ იგი თვისის შინა-
არსით ძლიერ ღრმა და მრავალ მნიშვნელოვანია,
იგი თვის შორის მთელს მხარეს ადამიანის სარწმუ-
ნოება-ზნეობრივის ცხოვრებისას შეიცავს, მასში
კაცის მრავალგვარნი საქროებანი გამოიხატებიან.

უფალო, შეგვიწყალებს!—უფალო, მოგვხედე, შე-
გვიბრალე, დაგვეხმარე, შეგვეწყალო.

უფალო, შეგვიწყალებს!—უფალო! თუმცა მთელი
ჩვენი ცხოვრება ცოდვითა, ყოველი ჩვენი შინაგანი,
სულიერი მოძრაობა და გარეგანი მოქმედება ბიწიე-
რია, და ამისგამო შენის მოწყალების ღირსნი არა
ვართ,—გარნა, სულგრძელო და მრავალ მოწყალო,
ნუ განგვირისხდები, ნუ განგვეშორები, ნუ მოგვა-
კლებ შენს განსაკუთრებულს მფარველობას, შენს
მამობრივ მზრუნველობას, დაფარენ ცოდვანი ჩვენნი
შენის განუსაზღვრელის სიყვარულითა, მოგვიტევენ
შეცოდებანი, აღგვისრულენ თხოვანი ჩვენნი, გვიხ-
სენ წვალებათაგან, როგორც ამა ცხოვრებაში, ისე
საუკუნოისაშიდაცა. უფალო, შეგვიწყალებს!—აურაცხე-
ლნი ცოდვითნი ვნება-მიდრეკილებანი, წინააღმდეგ
ჩვენის სურვილისა, გვფლობენ, გვბრძვანან, გვძლე-
ვენ, ბუნებას გვიწყლულებენ, გვიმახინჯებენ, გვი-
კარგვენ შენს ხატებასა-მგზავსებასა, გვადღვებენ,
გვაშფოთებენ; ვიქმთ არა იმას, რაიცა გვნებავს,
არამედ მას, რაც არა გვსურს; ძალაუნებურად ვას-
რულებთ არა კეთილგანზრახულებასა, არამედ ბი-
წიერ მოთხოვნილებასა. და ეს უთანხმოება ჩვენს
სურვილსა და მოქმედებას შუა წარმოშობს ჩვენში
დიდს მწუხარებას, ტანჯვა-წვალებასა. ღმერთო, ყო-
ვლად სახიერო! მოხედე ჩვენს უძლურებას, ჩვენს
გაჭირვებას, მოგვეც შეძლება ვეომოთ და ვსძლიოთ
ჩვენს ბუნებაში გამეფებულ ბოროტებას, მოგვანიჭე
ძალა შევებრძოლოთ და უკუვაქციოთ ყოველი
ცოდვითი სურვილი და მივსცეთ ადგილი კეთილს

წადილსა, ცხადვყოთ და განვამტკიცოთ მნებელობა
ჩვენი მხოლოდ კეთილ მოქმედებაში და მით გან-
ვთავისუფლდეთ ცოდვებისაგან წარმომდინარე წვა-
ლებათაგან.

უფალო, შეგვიწყალებს!—უფალო! შენ ხარ ერ-
თად ერთი წყარო ქვეშაბრტის ბედნიერებისა, შენ
ხარ მომცემი სრულის სულიერის კმაყოფილებისა,
გარეშე შენსა არა არს ნამდვილი და მუდმივი მშვი-
ლობა და სიხარული. ნეტარ არს ის, ვინც შენ
გიახლოვდება, გიერთდება, ვინც წრთენის თვისს
თავსა, ისისხლ-ხორცებს სათნოებათა, მას შენ ანი-
ჭებ შენს ცხოველს მყოფელ მადლსა, მას შენ აღა-
ვსებ ზეციურის სიტკბოებითა. ღმერთო—სიყვარუ-
ლო განუზომელო, საუნჯეო კეთილთაო! გვეწყა-
ლობდე ჩვენცა, სულით დატაკთა, მოგვეც ძალა
აღვადგინოთ დაცემული ბუნება ჩვენი, აღმოგვიყვა-
ნენ ბოროტების უფესკრულისაგან, აღგვამალე,
ღირს გვყავ შენთან განუწყვეტელ მჭიდრო კავში-
რისა, მოგვინე ნათელი შენი, აღგვიჩქეფე გულში
ნაკადული დაუშრეტელის ნეტარებისა.

უფალო, შეგვიწყალებს!—მრავალნი ქირნი და
სალმობანი გარე მოგვიცვენ ჩვენ; გარს გვახვევიან
უთვალავნი მწუხარება-წვალებანი კაცთაგანაც, ბუ-
ნების მრისხანე და მავნებელ მოვლენათაგანაც და
თვით ჩვენის დასუსტებულის, განხრწნილის სხეუ-
ლისაგანაც. მუდამ ზრუნვა თვითარსებობაზე, მუდამ
ფიქრი თავის დაცვაზე, მუდამ მღელვარება ზე შფოთი,
მუდამ შიში და ძრწოლა—აი ჩვენი ცხოვრება! ზრუ-
ნვანი ესე ქვეყნიურნი იპყრობენ მთელს ჩვენს ყუ-
რადლებას, ატყვევებენ მთელს ჩვენს არსებას, გვა-
შორებენ სურვილს შენთან შეერთებისასა, გვიკარგვენ
ყოველივე ხალისს, გვალონებენ, გვამწუხარებენ,
უნუგეშგვყოფენ. ღმერთო ყოვლად ძლიერო! მო-
გვხედე გაჭირვებულთა, შეგვიმსუბუქე შევიწროე-
ბული ყოფა-მდგომარეობა, შეგვიმცირე ტანჯვანი,
გვიხსენ-გვილხინე, რათა ცხოვრების უღლის სიმძი-
მისა გამო სულით არ დავეცეთ და ადამიანური
ღირსება სულ ერთიანად არა დავკარგოთ.

დიდი კვერქისს შემდეგ მგალობელთა გუნდი
ვალობენ: ნეტარ ჩვენ კაცნი, რამედი ჩვენ შივიდა ზრ-
ხვას უდმრთათასა და გზა ცოდვილთა წარწყმედს... და
სხვა. ეს სიტყვები ამოკრებილია პირველ, მეორე და
მესამე ფსალმუნებიდან. ფსალმუნებად იწოდება ისე-
თი საღმრთო ნაწერები, რომლებშიც გამოხატულია

*) „მწეესი“ № 7).

ადამიანის სულის მდგომარეობანი ამა თუ იმ გარემოებაში, სიხარული და მწუხარება, თხოვა-ვედრება და ღვთის ქება-დიდება რომელსაც ებრაელები ღვთის მსახურების დროს გალობდნენ საკრავ იარაღებზე დაკვრასთან ერთად. ფსალმუნები, რიცხვით 150, შეადგენენ ერთს წიგნს, რომელიც იწოდება დავითნად. ეს წიგნი იწოდება ამ სახელით იმიტომ, რამე მომეტებული ნაწილი ფსალმუნებისა ებრაელთა მეფის დავითის მიერაა შედგენილი. დავითნი ჩვენს ეკკლესიაში დიდ ხმარებაშია; იგი ყოველ კვირაში — შვიდეულეებში — თითოჯერ წაიკითხება, ხოლო დიდ მარხვაში ორჯერ კვირაში.

ნეტარ არს ღმერთი, რამელი არს მივიდა ზრახვას უღმრთეთასა, — ნეტარ არს — ბედნიერია; ზრახვა — ფიქრი, აზრი, გულითადი სურვილი; უღმრთონი, წარმართნი — კაცნი, რომელნიც წარემართნენ ღვთისაგან, განშორდნენ მას და იქცვიან არა ისე, როგორც უფალმან მათ ვალად დაუდგინა, არამედ ნებისაებრ თვისისა, ბოროტად ცხოვრობენ. ფსალმუნთა მგალობელის სიტყვისამებრ, ნეტარ არს ის ადამიანი, რომელიც არა მივიდა ზრახვასა უღმრთოთასა, ე. ი. რომელიც თავის გულში წარმართულ, ბიწიერ, ღვთის მიერ დაშლილ ფიქრს, სურვილს არ გაიტარებს, რომელნიც ბოროტ კაცების ცუდ მაგალითს, რჩევადარიგებას არ მისდევს, რომელიც კეთილ ცხოვრებაში, ღვთის ნების აღსრულებაში მტკიცე და შეურყეველია. ამ გვარი ადამიანი ბედნიერია, იმიტომ რომ მასთან სუფევს ღმერთი, და ამით იგი მშვილობასა და სიხარულს პოულობს. თუ ვინცობა იგი ამ ქვეყანაში ვერ იმკვიდრებს სრულს მშვიდობასა და შვებას, მაგერად იგი მომავალ საუკუნო ცხოვრებაში ცხადთ და სავსებით გემოთი იხილავს ღვთაებრივ სიტკბოებასა.

და გზა ცოდვილთა წარწყმდეს. — ის ადამიანი, რომელიც ბოროტების გზაზე მსვლელობს, რომელიც ღვთის მცნებას არღვევს, რომელიც სათნოებებით კი არ იმკობს თავის-თავს, არამედ ბოროტ თვისებებს იძენს, — წარწყმდება, გაუბედურდება. თუ როგორმე ამისთანა კაცმა ამ სოფელში ვერ შეიგნო თვისი სულიერი სიღატაკე, ვერ იგრძნო თვისი დაცემულობა, მომავალ ცხოვრებაში მაინც მას არ აცილდება ტანჯვა-წვალება; მას თვალწინ ცოცხლად გადაეშლება ბოროტებაში, სიავკაცობაში განვლილი ცხოვრება თვისი და ყოველ ცოდვის მოგონებაზე მასში უსახლოვრო მწუხარება წარმოიშობის, ღმერთის ხვედრი იქნება მუდმივი გლოვა-გოდება ქვე-

ყანაზე არსებობის დროს ბოროტებაში გატარებულ ცხოვრებისაგან. საშინელია ასეთი ყოფა! მუდამ ცოდვების წარმოდგენა და მუდამ კენესა-მოთქმა!

მინებდით უფალსა შიშით, — რათა ადამიანი საუკუნო წარწყმედას, საუკუნო ტანჯვა-წვალებას აშორდეს, რათა იგი გახდეს საუკუნო ბედნიერი, ამისთვის იგი უფალს უნდა მონებდეს, ანუ ემსახურებოდეს, ე. ი. ღვთის ნებას უნდა ასრულებდეს, უნდა ცხოვრობდეს ისე, როგორც მან განუწყესა მას, უნდა იქცეოდეს შინაგანის ზნეობრივის კანონის, ანუ სინდისისა და გარეგანის წერილობითის კანონის, ანუ წმ. განცხადებისამებრ თანახმად სახარებისა, იგი კეთილს უნდა იქმოდეს; და ამით, ე. ი. წმიდა ცხოვრებით ღმერთს უნდა აქებ-ადიდებდეს. ამასთანავე კაცი უფალს უნდა მონებდეს, ემსახურებოდეს შიშით. მას წარმოდგენილი უნდა ჰქონდეს, რომ ღმერთი უმაღლესი, განუსაზღვრელი, მიუწოთამელი არსებაა, რომ იგი ყოველისავე დამბადებელ-შემქმნელია, და ამასთან ის ღვთისადმი კრძალვა-მორიდებას უნდა გრძნობდეს და უნდა სცდილობდეს არ განარისხოს იგი თვისის ცუდის ყოფაქცევითა. ადამიანს ღვთისადმი უნდა ჰქონდეს არა დამამკირებელი, სულის შემხუთველი მონური შიში, არამედ ისეთი შიში, როგორსაც გრძნობს კეთილგონიერი შვილი თვის მშობლებისადმი, შიშსა სიყვარულით შეზავებულსა, ე. ი. კრძალვა-მორიდებასა.

და უკალობდით მას ძრწოლით. — საეკკლესიო ენაზე გალობა ნიშნავს სიტყვით გამოხატვას სულიერის სიხარულისა; ამგვარად უკალობდით იგივე ახარებდითა.

იმ ადამიანს, რომელიც კეთილ ცხოვრების უმაღლეს ხარისხამდე მიადწევს, ღმერთთან შეერთების ღირსი გახდება, ცხოველ-მყოფელ მადლს მიიღებს, სულიერ კმაყოფილებასა და სიხარულს მოიპოვებს, — დიდი სიფრთხილე მართებს. მას მუდამ უნდა ახსოვდეს, რომ ღმერთი რამდენადაც სახიერია, იმდენადაც უუდიდესია, რომ კაცი, რაც უნდა იგი ზნეობრივად ამაღლებული იყოს, მაინც ღვთის წინაშე არა რაი არს. ადამიანი, თუ მას რაიმე კეთილი აქვს, იძენს მას არა თვისი შეძლებითა, არამედ მხოლოდ ღვთის სახიერებითა, ღვთის შეწევნითა, და იმიტომ იგი ღვთის წინაშე არ უნდა გაკადნიერდეს არ უნდა გათამამდეს, თვისი თავი ღირსეულად არ უნდა ჩათვალოს; პირიქით თვისს თავს უღირსად უნდა რაცხედეს, თორემ წინააღმდეგ შემთხვევაში მასში დაისადგურებს აშპარტავენება, რასაც მყისვე თან მოჰყვება ღვთისაგან განშორება და მით სიწმიდისა და ბედნიერების დაკარგვა.

კატახანძე.

(გაგრძელება იქნება)



შეწირულებანი.

ჩვენი ღრვის კეთილი და ზატიოსანი პირნი.

გთხოვთ ამ წერილს ადგილი დაუთმოთ თქვენს პატივცემულ გაზეთში. ამ დღეებში, სახელმწიფო ბანკის ამიერ კავკასიის განყოფილებაში, საჯარო ვაჭრობით გაიყიდა ერთი მემამულის დიდი უძრავი ქონება, ვადიან გარდასახადის შეუტანლობის გამო.

ეს მამული შეიძინეს ბ-ნთ ივანე როსტომისძე მიქაძემ, დავით სავლეს ძე მაჭავარიანმა და დავით მიხეილის ძე წიკლაურმა.

რადგანაც ეს მეტად სამწუხარო შემთხვევა იმ მემამულის მოურავის შეცდომით მოხდა ზემოხსენებულ პირთ, თანახმად ჩემის თხოვნისა, კეთილ-ინებებს და გარდასწყვეტს, ნაყიდი მამული უკანვე დაუბრუნონ პატრონს უსასყიდლოდ, მხოლოდ თითონვე მესაკუთრემ მოისურვა თავისის თავის დასჯა უმუყაითობის გამო და შეაძლია მათ ჯილდოდ ექვსასი მანეთი. მაგრამ იმათ ეს ფული თავის და სასარგებლოდ არ მიიღეს და საქველმოქმედო საქმეთათვის გადასდეს, მიქაძემ და მაჭავარიანმა ამ ფულიდგან 400 მან. შესწირეს სათავად-აზნაურო სკოლის შენობას და წიკლაურმა 200 მან. — წინამძღვარიანთ-კარის სამეურნეო სასწავლებელს, სადაც იგი აღიზარდა.

ასეთის პატიოსნურის და ჩვენს დროში იშვიათის მაგალითის გამო მე ვალად ვრაცხდი ჩემს თავს პირად მადლობა მეთქვა ბ-ნთ მიქაძესათვის, მაჭავარიანისათვის და წიკლაურისათვის, ამასთანავე საჯაროდ ვუცხადებ მათ ჩემს უგულითადესს და წრფელს მადლობას ბეჭვლით სიტყვის საშუალებით, რადგანაც მათ არ ინებეს უცაბედის შემთხვევით სარგებლობა და, თავისად საბედნიეროდ არ დაღუპეს ერთი თავიანთი მემამულე ოჯახთაგანი.

ტფილისის გუბერნიის თავად-აზნაურთა წინამძღვლი თ. დ. ზ. მელიქიშვილი.

I

მამაო ჩედაჭტორო!

უმარჩილესად გთხოვთ თქვენის გაზეთის საშუალებით გულისათადი მადლობა გამოუცხადო სვერის საბლადო-ჩინო სამდგდელეებს, რომელმაც შემოსწირა ითხვისის სამრეველო შკოლას თვითვეუელმა კრებულმა თათო მანეთი და სრულიად 25 მან.

ამ ფულით იქმნება მობრებული შკოლისათვის წიგნების დასწეობი შკაფი.

ბლალჩინი მღ. იოსებ წერეთელი.

II.

მამაო რედაქტორო! უმარჩილესად გთხოვთ ნება გვიბოძოთ, რომ თქვენი ზატივ-ცემულის გაზეთის „მწვე-შის“-ს საშუალებით გულისათადესი მადლობა გამოუცხადო ჩემი და ჩემი მრეველის მხრით შემდეგს პირებს რომელთაც შემოსწირეს ჩემდამო რწმუნებულს ბოყვის წმ. გიორგის ეკლესიას შემდეგი ნივთები: მცხეთის დედათა მონასტრის იღუმენია ნინამ დაფარნები ფარნის მოქარგული კარგის ხელოვნებით, ოღარი და საბუნრები. აზ. გიორგი რამზასსკე გაცირიძემ ერთი რწმუნული ბაი-რადები დინებული 25 მანეთის. ფოფაღია ჭიჭინაძის ასულმა ტრანკუზს ჯვარი 16 მანეთის. ბარბაღე გოგრი-ჭიანის ასულმა სანაწილე ვერცხლის 20 მ. დინებული. რესტომ ჯაფარიძემ თანხასის მანდალი 5 მან.—

მღვდელი ალექსანდრე გოცირიძე.

ბანსხალეზანი.

ქუთაისის

სათავად-აზნაურო სასწავლებელი

ა ც ხ ა დ მ ბ ს

რომ მიძინარე წლის ენკენისთვისათვის 40 თავისუფალი ვაკანსია არის პირველ განყოფილებაში, რომელშიდაც მიიღებიან შვიდი და რვა (7-8) წლის ემარწვილები. დანარჩენ განყოფილებებში და პროგიმნაზიულ კლასებში თავისუფალი ადგილი სრულიად არ მოიპოვება.

თხოვნების მიღება გავრძელდება ოცდახუთ მარიაობის თვემდის; თხოვნასთან ერთად წარმოდგენილი უნდა იქნეს წლოვანების, აზნაურობის და უვაჯილის აცრის მოწმობები.

ემარწვილების მიღება დანიშნულია 27 მარიაობის თვეს. ხელმეორედ გამოცდა, რომელიც ძანსში დაენიშნა მოსწავლეებს, მოხდება 25 და 26 მარიაობის თვეს.

სწავლა დაიწება 1 ენკენისთვეს.



გიიღება ხელის-მოწერა 1903 წლისათვის ოღ-
პირიშულ გამოცემათა ქართულს

„მწყემსი“-ზე

ღ

რუსულ «ПАСТЫРЬ»-ზე

ქურნალის ფასი:

12 თვით «მწყემსი» 3 მ. 6 თვით «მწყემსი» 2 მ.
— ,, რუსული ,, 3 მ. — ,, რუსული ,, 2)
— ,, ორივე გამოცემა ნ) — ,, ორივე გამოცემა 3)

ბაზეთზე ხელის-მოწერა შეიძლება დაბა
ვერილაში რედაქციაში, ქუთაისში ბ.ნ. ესტატე
ლამბაშიძესთან, თბილისში წერა-კითხვის გამავრცე-
ლებელ საზოგადოების წიგნის მაღაზიაში, ბ. შიო
ქუჩუკაშვილთან. ახალსენაში — ბლალოხინ მამა არ.
კალანდარიშვილთან.

სოფლის მასწავლებელთ და ლარიბთ გაზეთები დაეთმო-
ბათ მთელის წლით ორივე გამოცემა სამ მ ა ს ე თ ა დ.
რედაქცია იმყოფება დ. ვერილაში რედაქ-
ტორის საკუთარ სახლებში.

ზარეშე მცხოვრებთ ქურნალის დაბარება შეუძლიათ
ამ აღრესით: Въ Квирилы, въ редакцію газеты и
журнала „МЦЕМСИ“ и «ПАСТЫРЬ».

რედაქციაში მოიპოვება წარსული წლების რამ-
დენიმე სრული გამოცემანი „მწყემსი“-სა, რომელ-
ნიც ნახევარ ფასად დაეთმობათ მსურველთ.

რედაქციაში მოიპოვება აგრეთვე სხვა-და-სხვა
სასულიერო შინაარსის გამოცემანი, რომელთა კა-
თალოგი დრო-გამოშვებით ქურნალშიდაც იბეჭდება
და მსურველთაც შეიძლება დაიბარონ რედაქციიდან.

ახალი წიგნი

Какъ улучшить Кавказскую народную школу
(როგორ უნდა აღსდგეს კავკასიონის სახალხო სკოლა)

იაკობ გოგებაშვილისა.

ისყიდება ტფილისში წერა-კითხვის საზოგადოების
მაღაზიაში, ქუთაისის მაღაზიებში და სხვაგანაც.
ფასი ექვსი შაური (30 კაპ.)

ქუთაისში

ს. მ. პ. თოფურიას

ს ა ა პ ა დ ე უ ო ფ ო უ ი,

რომელიც იმყოფება მათი უმაღლესობის ჰრინც
ალექსანდრე ოლდენბურგელის მფარველობის
ქვეშ, 60 საწოლია შინაკან, ნერვებისა, სახი-
რურგო, დედათა და თვალთა ავადმყოფთათ-
ვის, მშობიარეთა განყოფილებით და ქიმიურ-
მიკროსკოპიულ გამოკვლევათა კაბინეტით.
კადამდების სენითა და სულით ავადმყოფთ
სამკურნალო არ ღებულობს.

წ.

შ ი ნ ა ა რ ს ი:

სალითმარათურო განყოფილება: სად უნდა ინათ-
ლებოდნენ ბავშები. დეკ. დ. ლამბაშიძისა. — მწარე ფიქრები —
სოფლის ხუცისა. — იმპერატორის ნიკოლოზ I-ს მოგზაურობა
საქართველოში. — რომის პაპი ლეონ მეცამეტე. — ქურნალ-გა-
ზეთებიდან — ახალი ამბები და შენიშვნები. — ვილატოტიას —
პასუხი, ალექსი ბერისა.

სწავლა და მცენიერება ქრისტიანობაში სარწმუ-
ნობასა და კეთილ-წინადადება: ლოცვა, როგორც
მწუხარების მომქარვებელი საშუალება. მღ. არტემ ბოჭორი-
შვილისა. — ღვთის მსახურების განმარტება, კაჭახიძის. — შე-
მოწირულებანი განცხადებანი.

რედაქტორ-გამომცემელი დეკ. დ. ლამბაშიძე.

Редакторъ-Издатель П. Д. Гамбашидзе.

Дозволено цензурою Архимандритъ Георгій 15 іюля 1903г.

Типог. редакціи журн. „Пастырь“ (П. Д. Гамбашидзе) въ Квирилахъ въ собст. домѣ.